



*Kamis, 22 Agustus 2024*

**Ogen : Kej 24:12-17**



**Ulih Pertoton**



Awali dengan doa.” Kata enda mekatep ibelasken guna mereken persinget, entah kata penjemba. Kai pe adi ibenai alu toto tek kita ulihna mehuli. Bage me si ilakoken Elieser bas ndahiken dahin si isuruh tuanna Abraham. Elieser berkat ku Mesopotamia guna ndarami calon ndehara anak tuanna si tergelar Isak. Elieser kalak si malang man Dibata, tek ia nandangi kuasa Dibata e. Bage pe tek ia maka pasti ituduhkan Dibata ise kin si jadi calon ndehara tuanna. Kenca seh ia i Mesopotamia, ertoto ia mindo man Dibata, ibahanna me tanda-tanda maka adi iperkuankenna kari diberu e guna mindo lau man inemenna ras untana, janah diberu kari si erpengue entah si merekenca e me si jadi calon ndehara tuanna. Langa pe ngadi ia ertoto teridah maka Ribka mentas ku sumur e, janah iperkuan kenna me sentudu bagi siitotokenna ndai. Bas paksa e, Ribka alu meriah ukur mere lau inemen la terjeng man Elieser tapi pe rikut ras unta-untana. Erdandanken si enda me maka enggo tetap ukur Elieser, si jumpaina e me sinituduhkan Tuhan. Bage me pengalamen Elieser bas jumpa ras Ribka. Tuhu payo Ribka enda me ulih pertoton Elieser.

Ertoto jadi sada bagin si la terpesirangken ras kegeluhenta. Ertoto bas menaken dahin, netapken pilihan geluh bage pe i bas ndarami teman geluh anak, pendahin ras sidebanna. Kerina enda ncidahkan kiniteruken ukur kap, igejapken maka adi bekas penemani Dibata labo banci la ialoken si mehulina. Petembil ras kini ganjangan rukur, niakap kebeluhenna maka banci ndahiken kerinana e maka ertoto e pe jadi cadangen ibahan i bas kegeluhen. Kita la bage sabap kai pe adi ulih pertoton pasti maba kiniulin.